

修養
三
七
一
三
一
五
一
三

長治縣志卷之六

傳三



列傳

嘉彬

嘉彬字仲文潞州人父兆平金有功授平陽太原等處都總管花赤彬累擢內臺御史糾平章阿合馬受賄事
旌彬直言遷內臺治書進刑部尙書轉正議大夫僉湖
廣行中書省事卒追封京兆郡侯

通志人物

王天祐

王天祐字國初潞州人高祖致進義校尉祖勵翼白水

王簿父夢臣以天祐貴贈澤州知州上黨縣男天祐穎
悟有才屬搜訪遺逸擢充檢討官歷太常奉禮郎轉國
子博士出佐隰州入爲太常博士會議大禮多見俞允
皇慶中以潞州知州進階致仕卒祀鄉賢子四璋澤州
學正琮陽城主簿璜吉州學正琥太廟奉禮郎

舊志人物

張和

張和潞州人由儒士辟青州路經歷陞陝西行省左司

郎中在官廉能

府志材能

李公弼

李公弼字輔之潞州人沈毅多大略以武功累官定遠

將軍同知沁州節度使

同上

王汝礪

王汝礪字鑿臣潞州人官隴右廉訪掾有政聲加授江

西湖廣道廉訪知事

同上

靳繼昌

靳繼昌潞州人奉議大夫揚州路滁州知州終朝散大

夫晉甯路同知致仕有政聲

同上

李光魯克恭

李光魯克恭潞州人生二歲父母俱亡育於外氏比長

遺念見其自... 其遺骸伯母失養窮

具甘旨及終以禮葬人皆稱其孝義舊志孝義

王梅

王梅字鼎臣絳州知州守忠從孫也仕為端本堂說書除甯紹宜撫照磨轉行臺御史中書左司郎中禮部侍郎改河東宜撫同知守太行隘口保鄉土還為樞密副

使府志材能

董誠

董誠字友道潞州人授兵部主事累官戶部尚書以公嚴稱出為山東行省參政晉右丞致仕歸與尚書李維馨解元杜敦結社唱和人稱雄山三老子孫衣冠鼎盛

一時府志名賢

右元九人

曹鶴第九齡

曹鶴字九皋潞州人祖伯堅字仲益官刑部郎中父璣字子衡官本州知州東平路總管并名重元時鶴以洪武時舉賢良方正拜右副都御史轉左副都御史其弟九齡以薦舉官四輔至武英殿大學士舊志人物

晉罡李鐸李智李文輔

晉罡字希斗潞州人學問該博有奇抱登洪武辛亥進士授

原通

原通字文達潞州人性耿介有識略舉景泰癸酉鄉試
屬漢中通判延安同知所至以勤能著聲同上

栗鉦 第銘

栗鉦字靜之成化辛卯舉人任蒲縣知縣調陝西隴西
縣居官清惠陞階州知州未幾歸閉戶自娛雖飲射不
入公門從弟銘

銘字警之己未進士官山東陽信南直丹徒知縣徵拜
臺諫格於宗親例四守徐州致仕居官剛正有風力示
屈權貴子孫累世以科第顯舊志人物

宋樸

宋樸潞州人正德丁卯舉人授國子博士喜讀書爲文
宏博詩宗魏晉服官四十年蕭然無長物府志文苑

劉斌

劉斌潞州人正德六年流賊掠雄山兄穩被虜斌趨赴
請身代賊怒舉刃加頸不爲動賊兩釋之舊志孝義

張序

張九經

張序字世倫以貢官隆德知縣與宗人九經並精於易
九經字一誠正德末歲貢官訓導舊志選舉

廉輝 子承芳

廉煒父政見集傳煒官南直廬江主簿縣令倚如左右
手流賊攻城急奸民謀爲內應衆無固志煒力陳禍福
諭以大義皆感泣死守賊委之去後以俵馬事抗中官
遂輕車歸子承芳工詩文善書不求聞達與邑人王龍
蘇江張仁壺關張憲張實建元吉會相助爲善

舊志
羣材

宋楠

薛朝允

秦洲

秦湖

宋楠潞州人幼業儒慷慨尙氣節因父喪明攻醫術親
療之青羊之變應募勦捕奮勇深入多所斬馘賊乘險
力拒師敗楠戰死同時死事者有衛指揮薛朝允秦洲
洲弟潮顧瀾並州人

府志
忠烈

趙希夔

子于敏

趙希夔字一卿長治人

以後人物
不書縣名

父秉忠貢生有幹略

青羊之變平賊多資其謀後官陝州同知希夔以嘉靖

十四年成進士授直隸安州知州遷山東東昌府同知

累官四川雲南僉事貴州參議湖廣副使陝西按察使

右布政使河南左布政使以藩親不得爲京朝官加食

正一品俸且開散官蔭子例異數也知安州時年纔弱

冠方督隄工水大至衆驚散乃獨立衝所衆感媿還競

下礮隄賴以保固編審甫就或語以不公察之果誤謝

而改之世廟有以共意獲罪中官者衆安肅令逃去

當道詞其能俾攝縣事希夔治具樸實行宮帳幄之屬
施以黃布上厯之喜欲使巡撫地方希夔不遽拜謝上
意頓寢獻后梓宮南下護喪中官益橫恣臨清守亦逃
去復以東昌同知攝縣事中使有所需索引例據禮開
誠布公反復折答咸莫能爭在貴州適銅仁小平茶苗
叛征之不克撫按以兵事屬希夔黔地跬步皆山林木
叢密方戰賊入深箐兵不敢進乃望塵發礮賊再退於
是伐木開道且擊且進遂搗巢穴安天朝故酋長也既
被擒察其可用釋之俾立功自贖安酋稟承方略拓地
二百里事定歸功撫按僅賜升俸金幣有差其爲藩臬

馭下以和有趙佛之稱致仕歸不事干謁以變化風俗
爲己任善則歸人卒之皆遠近奔走如哭其私子三于
實儀賓于樸貢生于敏登隆慶五年進士授河州知州
遷廣平同知河南府知府忤上官劾歸事旋白屢薦不
起家無儲蓄自如也子復儒舉於鄉

舊志人物

鮑龍 子承蔭

鮑龍字時化嘉靖戊戌舉人授崑山知縣地濱海大族
多梗化龍不施鞭箠惟務德感俗爲丕變會海寇秦蕃
降遂築城益令堅固倭旋入寇屠掠三吳崑山卒無恙
稍遷刑部主事外授河州同知厯官慶陽府同知順德

大學者李鐸官至江西僉事以剛直著李文輔濟南知府多善政李智兵科給事中志稱其丰采英異精通書

史傳志
選舉

李鑑

李鑑潞州人永樂中以貢官御史有剛介稱

舊志
選舉

劉昭

劉昭字克明潞州人宣德丁未進士正統六年擢南科給事中糾舉秉公不避權要嘗奏除宦官監收倉糧之害請嚴皇城門禁十三年改官臨洮府知府修學校墾荒地捐俸賑饑平反冤獄臨洮人士歌頌之在官七年

入覲卒於道

舊志
人物

李翥

子玆

李翥宣德中貢生授安定知縣有惠政祀名宦子玆亦以貢官淮南縣丞縣民悍數訐其令玆曉以大義民悅

同上亦見選舉志

按選舉宣德中貢有顧瑄鄒平張經以清白稱並附

見於此

王文

王文字彥章潞州人正統丁卯舉於鄉授邠州知州遷福建漳州府知府調平涼府爲政尙德化民多去後思累遷至江西參議子楷貢生楷舉人

舊志
選舉

府判官秦州知州卒祀鄉賢子承蔭

舊志人物

孝義胡紳鮑才之

僕也才客滇南歸中途遇警紳畫策從山中鳥道挾賞去才不能同行期於某處及至果先待焉才卒子龍甫

年歲服事惟謹後龍捷南宮子承蔭亦貴紳猶存

承蔭字子傳嘉靖三十五年丙辰進士授中書舍人改御史時西山僧徒建醮觀者填塞特爲請禁三巡直省俱著風裁出爲河南副使山東參政歷河南按察使左右布政使卒祀大名府名宦

同上

陳吉

陳吉字守正嘉靖辛丑進士知湖廣鈞州性剛毅嫉惡藩邸徽庶人橫恣吉裁以法因構蜚語上聞安置海南

凡七年閉戶讀書略無遷謫意徽庶人既誅乃詔復其官歸卒於家子兆玉貢士寶雞教諭

同上

張邦彥

弟邦立

張邦彥字德崇安貧嗜學言動以禮郡守宋珪欲延爲館賓邦彥曰必以師事乃可否則不能守遂造廬下拜時兩賢之後成進士授山東汶上知縣以抗激不得上官意歸寒素猶諸生卒祀鄉賢弟邦立以貢官山東歷城縣主簿清操自持巡撫孫鑛深器之欲加引薦卒沮於衆議稍遷河南杞縣縣丞致仕歸將卒子姓請具木曰先人亡時家貧僅爲成禮吾願從其薄

同上

凌鸞

凌鸞衛指揮嘉靖二十八年俺答犯太原游騎掠潞鸞

戰死

府志忠烈

栗塔

栗塔沁源榮靖王儀賓也兄弟同居祿入幾二千石分毫無私取者弟後欲異產不能止獨取其不者曰吾不得爲張公藝爲薛包可也卒祀忠義子應宏見集傳

舊志

孝義

郝賢

牛麟宿政

郝賢潘府儀賓與州人宋相仇森栗塔同時選不爲官

貴習結斷金會讀書勵行吟詠唱和呂涇野高叔剛皆

亟稱之又有牛麟宿政者亦以儀賓與會皆奇士也

舊志

羣材

李尙賢

李尙賢嘉靖壬子舉人知河南輝縣調淇縣秩滿遷裕州知州淇人詣闕請留詔以知州留知淇縣尋爲直指劾歸貧甚嘗索妻釵易米妻曰御史以貪墨劾君乃無米作炊耶尙賢曰婦僅一釵猶索之非貪而何聞者啞然予夢熊舉人滄州知州孫專業舉人柏鄉知縣咸以

清白著

舊志

璩江

璩江家中貲而好行義嘉靖甲寅歲祲江以錢米徧貸鄰里置義冢掩道殮以百千計

路志拾遺

張英

張英衛千戶應詔至京比試騎射策論俱優賞鈔千貫隨操京營陞指揮僉事從征荆襄盜賊應募出奇詐降誘賊遂擒元惡復賞進級卒於軍命護喪歸諭祭

府志忠烈

宋相弟朴

宋相例貢生工書好遊客都下與何仲默崔仲島郭介夫唱和謁選授穎州知州未幾挂冠歸日共李漳野侍御劉紫岩少保以詩酒往來年八十八以壽終弟朴亦

博雅清修

府志隱逸

李延康

從子如桂

李延康字允吉安定知縣翁之孫也與兄延馨相繼登

進士授汝甯府推官徵拜御史按秦隴再按順天出爲

河南僉事陝西參議遷湖廣副使致仕歸性剛直不撓

而心存仁恕汝甯有母訟子逆反覆開陳動以至性皆

感泣遂爲母子如初於豪強礦徒則毫無假借卒未嘗

誤及無辜官御史時勅臣中貴悉爲斂迹終以不得

要欲未竟其子如松由舉人官至衡州府知府孫如

景光祿寺署正從子如桂

如桂字希寶延康之姪延昌之子也嘉靖丁未進士山東濟南府推官內召以藩戚格於例補南直廬州府同知遷浙江僉事監軍禦倭寇嘗關弓一發而斃渠魁擢陝西參議守環慶虜攻城垂破設伏退之晉副使巡關南值回亂招撫之已而復亂討平之以積勞邁疾卒於

官

舊志人物

仇朴 弟欄 從子勳熠昞

仇朴與弟欄事繼母如生母母疾朝夕侍奉比卒廬墓三年旌曰二孝欄尤以讀書執禮聞於時從子勳熠舊志

孝義

勳宿州吏目楫之子也父病痿不離牀褥勳每手潔其穢居喪三年不入私室以孝于旌同上

烟官陸平知縣以才敏稱時薊鎮遭寇縣邑殘毀特調陸邊督時至捍禦最力有寄故舊詩云塞草焦黃六月秋運宵烽火照邊樓故鄉若問爲官事身在皇家地

臺頭舊志人物

吳登嘉靖壬戌進士歷如皋知縣順天通判轉戶部主事以疾歸爲人純樸清修出於性成博覽羣書至老不

王大節

王大節父相嘉靖初業賈卒於延安母田遺腹生大節撫之成立亦卒大節時已爲諸生母旣殯乃投牒郡中裏糧徒跌至延安不知父葬所土人王萬牙彷彿得其地至則平蕪彌望無可辨識仰天號已而搶地呼顙擲楮帛以下從所至掘之果得石碣取遺骸出滲血入骨試之良合裹尸痛哭負之晝夜行不避艱險既至市廛始市棺殮輿櫬歸與母合葬隆慶三年郡邑諸生聞諸當事賜幣帛旌以匾額

舊志孝義

萬瑄

萬瑄通元理善畫寫意胥入神年九十猶作小景見于公長揖不無人皆重之

舊志藝術

宋銓

宋銓嘗遇異人授秘方嘉靖八年郡別駕傅必用夜宴德風亭醉墮折左股衆醫莫治銓出藥三粒大如豆啖之骨積有聲更以手熨起行如常一時稱神

同上

申相

申相業岐黃研究脈理尤精傷寒一科著診家秘要與傷寒捷法歌輯良醫云

同上

栗永馨字子明幼孤事母孝以萬曆丙子舉於鄉年甫冠也授南通州知州時織造太監勢張甚抗禮不屈遂歸里與唐珪諸人唱和自娛子瑞

舊志人物

瑞強記多聞號稱博雅善書富於收藏凡金石文字一見卽能別其真贋定其朝代經史疑義悉能剖決無遺蘊所著詩文典贍風華爲時所重後客游檀雲死士林多惜之于千秋千仞並以諸生食餼

舊志羣材

周欽子一梧

周欽字克敬以貢士知陝西咸陽縣遷河南歸德府判官性儉樸政以仁恕爲先官秦中七年城郭學校公廨橋梁圩堤無不畢舉而均田一事尤愜輿論嘗攝篆鄰邑亦必籌久遠在豫時惠安伯以椒房親占民田七百頃悉勒歸本業以積勞乞休不允欽徑去太令請諸朝令致仕子一梧

一梧字唐珪幼聰敏留心經濟嘗著十六策籌時事萬曆壬午以易魁於鄉越十年成進士授戶部主事歷員外郎中會征島寇關白平秀吉一梧以督餉從運糧八十萬石復疏陳方略出爲歸德知府未至調常州府以蘇州稅關激民變改蘇州府旣至持以鎮定反側者胥自安則

長治縣志 卷之六
閉門修郡志秉筆直書迄今稱信史起陝西河西副使
值回賊方熾一梧至修戰守具威聲遠播賊首田一寬
等束身歸命事聞朝廷方議晉秩遽卒於官秦人爲立
碑紀其事

程尙勤 子正家

程尙勤字必勵父應登鬼集傳尙勤博學有才嘗預修
郡志以貢官平陽訓導遷醴泉知縣保定府通判攝易
州軍士有脫巾譁者亟單騎往諭歸伍尋致仕醴泉人
祀於名宦次子正家

正家舉萬曆壬子鄉試初授南陽推官每讞獄多所平
反時盜賊充斥王師雲屯境上諸軍將驕蹇不榻下當
事表請正家監紀馳驅米鄧左三帥間有靈閔為城襄
東諸捷擒土寇劉中湖等於裕州殲楊四於舞陽攻鄧
浙二城下之一歲三膺褒錫攝裕州時唐庶人假入衛
謀不軌道出州境正家詭詞尼其行而密白上官使得
有備行取戶部主事詔採辦軍芻多所撙節擢郎中督
大官糧儲例得羨餘毫無染甲申國變邁疾卒於京邸
子之鼎工文詞由舉人官內閣中書

府志
循良

高環 子厚

高環登萬曆壬子鄉試初授南陽推官每讞獄多所平
反時盜賊充斥王師雲屯境上諸軍將驕蹇不榻下當
事表請正家監紀馳驅米鄧左三帥間有靈閔為城襄
東諸捷擒土寇劉中湖等於裕州殲楊四於舞陽攻鄧
浙二城下之一歲三膺褒錫攝裕州時唐庶人假入衛
謀不軌道出州境正家詭詞尼其行而密白上官使得
有備行取戶部主事詔採辦軍芻多所撙節擢郎中督
大官糧儲例得羨餘毫無染甲申國變邁疾卒於京邸
子之鼎工文詞由舉人官內閣中書

補確山知縣課最內遷戶部主事歷員外郎督甘固糧
儲以勞卒子朴厚並舉於鄉厚平山知縣博學工書天
懷曠達子仁度進士鄒縣知縣

舊志
選舉

郭思極

郭思極萬曆十四年大荒以母萬氏命輸粟千石助賑
事聞建坊旌其母子

舊志
孝義

沈國華

沈國華字平度萬曆丁酉舉於鄉授藍田縣知縣聽斷
無留訟延儒生會文親課甲乙饌具皆出俸資多所造
就工繪事嘗撫輞川圖勒於石得其拓本者寶之遷甯

海州知州

府志
材能

吉人

吉人字國禎父廷弼解州訓導祀鄉賢人登萬曆甲辰
進士以獲鹿知縣行取江西道御史巡按甘肅提督學
政風節藉甚擢東昌道副使時漕涸舟膠分段疏濬牽
挽兩閱月而萬艘抵通尋以入覲過里卒於家

舊志
人物

申志皋

弟志伊

申志皋與弟志伊並友愛事親孝父疾嘗羹父歿哀毀
志皋損一目母喪明兄弟祈天願以身代母歿廬墓三
年萬曆三十四年

舊志
孝義

仇大

仇大家六世同居先後節烈貞女二十三人萬曆中旌

日義門

同上

李一爵

李一爵祖昱見集傳一爵以萬曆丙午舉於鄉知狄道
涑水有惠政遷通州知州通固劇州胥役欺隱逋負累
纍三年而五易官一爵嚴稽覈禁浮收年餘賦課全完
又代徵積欠銀一千五百有奇吏胥無所得銜之蜚語
中傷爲直指所彈罷歸州人叩閭昭雪再起原官不就

舊志
人物

賈涇澍

賈涇澍居鄉以孝聞由舉人選汾州學正端方廉潔課
士有方以薦擢知秦州親老乞歸及執喪一準古禮飯
蔬浸齒孫偉如武舉

舊志
選舉

閻民望

閻民望舉萬曆乙卯鄉試由校官擢神木知縣爲政寬
嚴相濟一邑輯安翕然稱頌子調鼎諸生居鄉多義行
孫必卓必崇別有傳

同上

李楨

履帶

李楨萬曆戊午魁於鄉爲人豪爽自喜歷渭源知縣臨

洮府同知所至多善政嚴恪與檟同舉由校官累遷景
州知州才具揮霍有擒寇功同上

郭世元

郭世元世魁弟雋才博古尤善書畫沈平度令藍田時
延其臨摹摩詰輞川圖刻之石雲林山水臺榭人物毫
髮絲縷備極精工海內傳爲珍寶晚年宗巨然撥墨更
爲蒼潤書法耽酣聖教而楷則仿穎上黃庭刻燭賦詩
卽席而就貧老無依卒於汾陽有遺賦百二十篇今散

失

府志
方伎

白聚良

白聚良縣民樸實不知書母歿廬墓六年不懈舊志孝
義案通

志府志並云孝
子傳作唐人

王俊

張撰
車桐
張提
郭景榮

王俊親歿廬墓日夕哭泣負土築墳弔者至稽顙外不
出一語居三年盜賊虎狼無犯者有司欲舉其孝辭曰
人子事親分內事耳何以旌爲府志亦云孝
子傳作唐人里人化之
有張撰張提車桐郭景榮俱以廬墓聞同上

原富

原富傭工養父父年八十二疾篤思肉亟剖胸前一肉
熱而奉之食之而甘詢所從來曰乞諸鄰耳敬食則

請再乞疾尋愈刃傷未浹旬亦愈廉訪楊檄表其閭
並給庖廩上同

路旬

路旬善事父母妻王氏亦能助夫孝父嗜飲貧不能常
得夫婦晝夜治馬策供之自啖菲惡父既卒母老扶掖
不少怠家少裕母喜周貧旬輒先意承志自少至老未
嘗一語忤親意上同

王子順

王子順郡廩生贈光祿佐裔孫也父年九十母年八十
四承顏將順不敢少拂意母歿值嚴冬飲水七日跣足
晝夜不解衣哀毀骨立茹素終喪有司將上其事婉辭
之乃匾其門曰孝子後以貢官教授上同

張仲智

張仲智父卒事母孝母卒廬墓三年祀忠義上同

周倫

周倫買人子父客死鄆縣遺資悉舉付倫經營五十年
弟妹十餘人子姪十餘人皆爲婚嫁析爨後惟布袍一
領納敗屨中門無筦鑰其不私蓋如此上同

原廷璽

原廷璽以之員任河內主簿善剖斷催科有法縣令倚

重之以喪去民送者以千計歸家治農事課子誦讀子登雲貢生官知縣乘雲舉人官知府

萬代芳

萬代芳父一本自遼東徙居潞官平陽府通判代芳以拔貢官延長縣知縣城陷死事贈光祿寺丞

府志忠烈

宋希堯

宋希堯天啟甲子舉人山東臨邑縣知縣戊寅之變殉

難上同

焦崇功

焦崇功天啟甲子舉人授直隸昌平州知州罷官家赤

貧爲闖賊拷死

舊志忠烈

牛見垣

牛見垣以貢授中書崇禎十三年大祲道殣相望與計郎程化源鄉耆宋懋德諸生張師孔典史江獻龍出貲瘞之

路志拾遺

右明八十八人斬聖子據明史爲長垣人不復列入

馮世選

侯五

馮世選道標材官也甲申之變闖將劉忠旣遁城中不設備忽數騎闖入西門世選與子當急引弓射退之比閉門登陴賊已擁百餘騎抵城下矣合郡生命賴其保

六時賊乘虛攻城穴地作暗道矢石俱不能及營卒
信立者持刀絕城先下奮勇戰爲流矢所傷賊縛而支
解之舊志忠烈

王龜

王龜字允調順治乙酉舉於鄉明年成進士授南安府
推官攝豐城瑞金甯都縣事所至有循聲以喪歸服闋
補登州府府志作推官治行最久爲江西道監察御史
巡視西城疏請裁道標以節浮費變藩產以助軍需設
海防屯田以安土著轉福建道監察御史請開經筵再
轉山東道巡視東城以年例轉廣東嶺西參議道未幾

裁缺歸里閉門謝客三十餘年卒龜立朝敢言其疏請
恤機戶事尤爲邑人稱誦先是順治十七年機戶苦織
造之累焚機罷市龜力論之遂除其弊子午字方中恩

貢好學以孝聞

舊志人物

周再勳

弟再烈

子培統

周再勳字仲賜父一栢有傳再勳性好學張藐山袁臨
侯深器之中前明崇禎丙子舉人庚辰會副順治二年
授刑部司務參校大清律升戶部主事時西陲用兵督
餉於薊州密雲三月事竣遷員外郎尋授金華府知府
兵燹之後惟務生聚民咸德之以老乞歸貧約如故杜

門不出工書善繪事耽吟詠續修郡乘筆力簡嚴有良
史風子培詵培翼培翼選貢五台訓導著有西征雜詠
培詵少承家學讀書求實用詩文書畫各極其妙己丑
之變再勲被圍高平培詵聞警同弟培翼蓬頭跣足突
圍馳至城下父子相認乃縋入佐再勲登陴固守編什
伍備火器戒嚴四十餘日圍解嗣以歲貢任平定州訓
導著有詩集子錫疇錫疇嗜學能文舉康熙丙子鄉試
第一十上春官不第補江南鹽城令興學校持風化士
俗丕變嘗修陸宣公祠建登瀛橋清漕捕蝗尤多實政
儲在文贈詩云名元海內無雙士循吏寔中第一人雍

正癸卯充文武兩闈同考官積勞卒於闈中

吳志人物

再烈恩貢生爲人風雅蘊藉選羅山令甫到官卽乞歸
足迹不入城市逍遙林下以終

舊志隱逸

李中白

李中白鄉賢呈秀子也登順治四年進士選翰林院庶
吉士由檢討遷內院侍讀學士爲人忠厚和易雖少年
顯貴居鄉處友一如布衣壬辛卯順天鄉試精心甄校
所得多名士後以疾歸里就醫江南至杭州卒子璋貢
生工詩賦有奉宜集

府志文苑

程正緒

子之昭

程正緒明保定推官尙勤子也舉順治戊子鄉試解首
官江西定南縣知縣廉敏寬平聽訟一準情理贛守闕
里孔公有真人品真經濟真文章之稱遇大案疑獄上
官悉委以決後署龍南一以治定南者治之博洽工書
喜爲詩文與周再勲同纂郡志稱一方信史又著有上
黨程氏乘餘錄刊行外有蓮塘詩集文集藏於家子之
昭

之昭字二漳康熙間歲貢博學好古文辭詩賦精雅藝
林推之著續乘餘錄程氏人物考醫海勺波金剛經集
解隨手錄潞安詩選舌耕堂詩文集若干卷而潞志拾

遺一書考覈典要鑑古者尤精賞焉

府志文苑

王運隆 弟運興

王運隆邑貢士順治六年姜壤之變同弟運興奉母朱
氏避天橋寨賊攻寨急母慮不免謂運隆曰我死不受
辱運隆曰母言是也朱自縊運隆運興哭拜畢俱投崖

死

舊志孝義

原良

原良縣民也已丑之變奉母秦氏逃陽護村母爲兵所
得欲犯之良憤不顧身拾聚木棍擊兵兵怒割其唇仍
大罵不絕母子遂皆遇害

同上

耿茂楠

耿茂楠亦縣民聞變負母扶父跣行四十里遇賊咸星散痛哭行求得母於保定得父於西安復走壺關得其少弟骨肉復完聞者異之方亂時有少婦欲依之者力拒焉事平娶妻生子病垂絕見神語曰汝固當死帝以孝義故令再生病果愈

同上

李還春

李還春己丑進士授淑浦知縣以辰沅道梗攝慈利縣事甫蒞任賊黨猝至慈利無城可守遂以身殉還春讀書得體要通籍益肆力經濟之學而遽罹凶鋒以死君

子惜之

舊志忠烈

馬之迅

子聲

馬之迅字敏仲順治乙未武進士充頭等待衛授福建提標旗鼓守備以擒海寇張貴連志韜功遷廣東廣州水師營都司僉書平海寇楊三王占三等叙功調海安左營都司康熙九年遷湖廣彝陵鎮標中營遊擊十三年吳逆至湖湘土寇竊發鎮帥悉精銳南下獨留之迅及老弱數百人川寇大集攻城之迅死守出奇計擊走之八月圍復合將內潰示以整暇乃定一日亭午度賊已懈出城奮擊自北數十里斬馘甚多之迅亦被創

歸寇憤甚復糾黨麴至攻益急左右請歸署養疾斥之曰吾守臣與城共存亡耳何歸爲久之以前劊卒將卒謂子聲曰我死汝必盡殺賊不爾目且不瞑事聞賜祭葬贈昭勇將軍

聲字正希康熙丙午武舉吳逆之變聲家居以父之迅佐鎮彝陵遂率家丁馳至鎮分守南城父追賊被劊割股以進父劊重訖不起制府蔡以金革義授援剿右路遊擊聲痛父死誓復讐率所部二千人轉戰楚粵間功最遷督標副將署總兵事將師進攻昆明賊帥郭壯圖突出迎戰聲與諸將合禦之賊死亡枕藉降其卒數萬人滇平調雲南副將擢雲南左都督總兵官駐永北鎮

永北地孤懸金江沙外番羌雜處久梗化羈縻之而已聲繕城隍謹燧燧修器械明賞罰凡十五年兵民安堵積渠諸土司胥奉約束惟謹爲一時干城

府志忠烈

苗王保

苗王保父自盛醉渡漳河溺焉王保奮身入中流拯出之解衣衣父時嚴寒父子俱死事在康熙十五年

吳志孝義

程之昭詩君不見右之孝女有曹娥父吁五日逝婆

娑銀滿怒發蘭舟飛神巫滾滾赴江波孝女悲號朝夕

發跳入滄浪尋白骨哀哉龍君風雨愁雙屍送出龍

宮今聞孝子苗王保父中酒魔隨瀾倒扶持醉客出

清鏡體恐涼解兒淚且驚且痛更單寒兩命輕塵栖弱

草我聞此事悲且惜兒孝女聯雙璧但憐胸無絕

草我聞此事悲且惜兒孝女聯雙璧但憐胸無絕

辭揮灑南山一片石嗚呼父死而不生才力雖短性情
誠文丞相武鄉侯兩人未斬敵人頭純忠姓字昭千秋
子臣若必論成敗人倫天理虞全壞王保孤墳今何在
願奠椒漿為爾拜程懋詩苗孝子爾何人年未十五
鄉之民手把犁鋤不識字孝心一念全其真隨父市物
前村裏父醉歸來夜墮水孝子力扶扶不起解衣覆父
寒一身僅餘履促步忙奔欲返家呼人好去救阿爺風
烈霜寒禁不得半途僵凍如寒鴉明日村人路上行但
見道傍死矣水中不復生子作竭蹶狀父醉未解醒相
與吁嗟相與驚歸語其家雙魂迎苗孝子爾何憾隨父
死對父面活父之心干載見我歌此事增三歎

閻必卓 弟必崇必崇子宗衍

閻必卓字仲立力學好古尤工詩賦順治辛丑進士出
宰平陰邑僻地荒蕪民多逃亡加意撫綏催科不擾歲
早步禱三禱三應雨不愆期遇賑躬自量給吏役無所

染指先是各里有大門頭之役又歲派挑河夫役並為
民累白於當事悉除其弊民大悅甫二年卒於官著有
秋谷詩集三卷秋谷文集三卷秋谷制義三卷弟必崇

吳志文苑

必崇字隆委康熙庚辰進士任華亭知縣性孝友少失
怙恃與兄同爨口不言貧讀書過目不忘為文奇雄渾
浩當出宰時華亭本折錢糧二十餘萬接年拖欠老吏
盤據必崇事事出以詳慎積弊漸除課文育士手自丹
黃甲寅乙卯沿海戒嚴羽檄交馳修金山青村兩城置
充州家兵營

稱貸支給至六千餘金不以累華亭之民民至今思之

于宗衍

府志
材能

宗衍字抗能康熙己丑進士知封川縣下車宿廟自誓廉公涖任後革陋規設學造士歲饑民將流亡多方撫慰發倉穀平糶外捐俸賑之民安堵尋以疾致仕性安詳幼失母父方遠宦讀書時不舉火必卓妻楊撫育之得卒業終身事之如母歸田二十餘年足不履塵市子克惠歲貢生

吳志
人物

趙良玉

趙良玉字爾栗少與兄良璧讀書朝爽樓午夜不倦以

歲貢生官襄陵教諭補猗氏教諭拔喬府丞雲於童子中適縣令以軍需操切幾激變良玉開誠撫慰得帖然遷大同府教授歲饑與有司設法分賑比擢太平知縣以兄良璧歿鬱鬱不樂遂不赴歸築序樂園教子弟讀書暇時彈琴賦詩優游十餘年卒

府志
文苑

呂和鐘

呂和鐘字大呂幼負奇氣有器識不隨人俯仰領順治八年鄉薦任襄陵教諭旋以乙未登第例當授官乃喟然曰人非熟讀史書何以經世遂還山居數年授工部主事估計墮工立議不移抽分龍江奉差荆關屢辦機

務區畫盡善商民無擾且除籽粒之累判魚肉之奸民困復甦以考最擢員外郎遷郎中

賜乳茶大緞榮寵有加轉按察司僉事督學陝西京有要津類多掣肘和鐘以冷面禦之一無瞻顧秦人素悍遇考試有劫生刁習力爲懲治乃息興安路險士子就試往往飢寒斃途中或飽狼虎和鐘憐之躬赴其地就試婦孺皆梯屋而觀以得識面爲幸其深仁厚澤秦人至今猶樂道之

府志名賢

李長庚

李長庚邑人貿易樊口三藩之叛潞城陳度以父殉難

廬陵往尋遺骸僕中途盜貨遁度可而前進適與長庚遇得其狀哀之贈以囊金度賴以扶柩歸

府志孝義

任昌鼎

杜大觀栗柱

任昌鼎副貢爲人矜名節重然諾意氣慷慨選榮河教

諭

制訓飭士子文初領學宮昌鼎敬釋文義爲直解刊行以便補習士風爲之丕變杜大觀恩貢亦有文行縣令于延至共學書院栗柱拔貢學使高招入幕與校士大同後官岢縣教諭勸學維風能舉其職

吳志選舉

晉

普璿字玉衡康熙己酉舉人性明敏有幹才歷浦江江都知縣所至清逋賦決疑獄有所興革民皆樂之江都地當孔道事務紛繁璿調度盡善民不擾而事咸理

聖祖南巡賜御書

同上

徐丹錫

徐丹錫字翰臣父達官副將丹錫幼穎悟書過目成誦舉康熙丙子鄉試選鄆縣知縣案牘糾紛迎機立斷一時稱爲能吏

同上

馬任佶

馬任佶康熙戊寅拔貢事孀母以孝聞

同上

趙驂

趙驂字天錦少有至性以孝聞於時舉康熙庚午鄉試中丁未明通授曲沃教諭首葺學宮時以文風凋敝邑令用堪輿家言議建文昌閣於古東門驂躬任其責捐俸爲諸生倡逾月落成嗣是科第鼎興邑地衝要懲收錢穀稽察監禁與城門鎖鑰啟閉循舊事移驂代理胥無貽誤歷署襄陵太平在太平時檄司賑務事竣不濫不遺會俸滿推升力辭曰吾不獲以祿養親雖萬鍾何爲年七十二卒於官禮部尙書張暲樞銘其墓著有白石樓賦曲沃八景詩東軒記子肱拔貢平陸教諭著有

餘生吟

府志材能

李宜楷

李宜楷字直野元尚書維馨後也以舉人考授中書改授襄陵教諭持己端嚴廉潔不苟士林重之

吳志選舉

胡夢禧

胡夢禧字介祉康熙壬午舉人爲人內行純摯好施予家不中貲而人以急告者必多方周之

同上

閻光衍

閻光衍字發潛康熙丙戌進士爲人聰穎嗜學卓犖不羣任會同知縣屢雪冤獄以精敏稱旋里宦橐蕭然優

游自得

同上

王廷鈞

兄廷銓弟廷佐

從

王廷鈞字御六康熙丁酉舉人任安邱知縣罷官後手不釋卷苦心力學著有養正編作文理法中庸說略等帙藏於家兄廷銓從弟廷佐並知名

府志文苑

廷銓字績三天性孝友博古能文每一作成遠近爭相

傳誦

廷佐字輔公高才廣識詩文甚爲同時推許並以諸生

貢太學

吳志選舉

盧耀

盧耀字實徵由武進士官平陽守備辛丑甲辰歲荐饑
奉委分賑平汾潞澤諸縣全活無算時稱其勤敏有儒
吏風同上

程焯

賈維藩

程焯字弢甫明都御史正己孫也以貢官偏關訓導性
喜積書著作甚富同時賈維藩者司訓聞喜值歲饑捧
檄辦賑煮粥以食餓者竭力不倦同上

魏价

魏价字介菴高才博學從之游以成名者百餘人价卒
不第循序貢太學以終同上

許光晒

許光晒字耀華爲人風骨俊偉慷慨好施援例授戶部
主事引見時應對爽朗特蒙

溫語獎勵監北新倉鈎稽煩劇利弊燎如考最擢員外
賜周易折中同上

晉裴勳

晉裴勳字翊唐以貢授繁峙訓導周恤寒士成就甚多
告歸值壬寅大饑出粟百石助賑羣稱其義同上

杜棠馥

杜棠馥字佩馨官中城兵馬司能勤其職請託不行權

延平府同知海寇內犯屢率勇禦之上

李楫

李楫少讀書能爲詩賦由武科起家荊州衛守備裁革支應陋規千金督造船隻悉中程以清直名上

曹可法

曹可法字言思居鄉以厚重稱舉康熙庚子鄉試歷署開建花縣知縣鞠獄詳慎民懷其德上

劉法唐

劉法唐字效陶幼失恃不期年復失怙事繼母連氏至孝連亦因夫遺囑撫之甚慈法唐登第選侍衛充正紅

旗漢軍教習固請終養旋里遂杜門不出百計承歡連

至七十以壽終

府志孝義

王體元

王烈宋慶昌

王體元字善長附貢生慷慨好施與置義冢刊勸埋嬰兒說鄉愚化之一時以義名者有貢生王烈於康熙辛丑壬寅歲輸粟賑其鄉里該生宋慶昌捐地置義冢

府志

孝義

孫宣哲

孫宣哲附貢生居鄉有行誼凡設義學義冢皆獨力成之康熙六十一年歲饑捐粟助賑又以所居村南北官

道崎嶇行人艱於往來重貲購買民田別闢新道募工
平治費至數千金無吝色郡守旌其門同上

庾掄秀

庾掄秀字子偉附監生康熙六十一年歲饑輸粟一千
石有奇濟其鄉又嘗置義學課其鄉之子弟多所成就

同上

張皇輔

張皇輔字翊宸以例貢知浙江青田縣履任時地甫經
喪亂招撫安集民用復業邑乘散佚捐俸纂輯歲辛酉
福建裁汰營伍流聚九都為盜單車往解散之鎮兵至

謀剿九都力陳盜潰散狀餘皆良民願以八口保之事
乃寢民建祠祀之丙寅大水躬操小舟指揮防險多所
拯救尋以憂歸服闋補梓潼縣遷延安府同知籌邊裕
餉材能屢著丁丑歲以辦理榆陽大差兩陷冰河幾至
身殞當事嘉其能奉署兵部道積勞卒於官府志材能

萬世忠

杜楫華

萬世忠字又韓明通判一本曾孫也援例入太學最工

臨池晚年出入二王更臻神妙杜楫華字文燦歲貢亦

善行草及飛白

吳志羣材及選舉 案府志有萬世忠 列孝義云其先長治人寄居潞城幼業

儒天性至孝父臥病藥必親嘗父歿既葬築室於墳終 日哭泣長跪 過難值風雨寒雪不輟

長台

忽有犬至與之爲伴久之不去人以爲孝感所致後其
母亡亦如父亡時妻死不續要有田數畝躬耕爲食訓
其子與村童數輩若將終身云未知爲一人否

李顯文

李顯文父蚤喪母患瘍日侍左右歷五年不少懈性好
施予嘗輸粟濟貧如助婚葬修道路諸善行尤樂解囊
初無子年六十始生子壽九十卒孫已十齡矣

吳志
孝義

王洪

王洪字雲臺善歧黃術不擇人有求輒往亦不計所償
知府蕭甚重之年八十七子姓蕃衍

吳志
藝術

王阜成

王阜成遊學京師時屆冬月忽念父有宿疾恐復發京
裝單騎一晝夜行六百里而歸父果疾喜子至良愈人
以爲孝心所感父母歿茹素廬墓五年康熙甲申歲大
饑積逋約四千餘金悉焚其券族鄰貧乏者咸待以舉
火又於村外置義冢每歲隆冬施衣設粥至老無間

吳志

孝
義

程鈞

程鈞父堂客死粵東鈞方七歲聞訃日夜號泣家貧備
工積貲以柩歸比母喪又以無力安厝儲工江南而殞

同上

馮雙軒

馮雙軒字魁梧康熙壬寅歲饑出粟賑里中貧乏檢券中宿逋焚之上同

張皇政

張皇政字相臣候選州同事父母能先意承志母卒水漿不入口父迫使食始勉進饘粥父病藥必先嘗額天請代父卒哀毀廬墓嘗設義塾於本村置學田三十畝修荆芥嶺費數百金居恒喜周濟凡宗族鄉人之無告者率賴之於河南濬縣亦置義塾置地二頃爲學田及歲修浮橋費凡所營建必稱其父命乾隆四年建坊旌

表祀忠義

同上

栗千春

子溫

栗千春字端子性純樸嗜學購書千餘卷寢食其中著有四書集解讀書輯要諸書由歲貢選靜樂訓導以老辭不赴子溫拔貢亦有學行孫陸昆舉於鄉

吳志
選舉

李玉玠

李玉玠工篆書秦漢文字考究精詳一時士大夫皆欽敬之年八十猶能手摹小篆

吳志
藝術

王法唐

王法唐字堯夫家傳醫術活人甚多第法閱子棟隆皆

能習其業

同上

栗三台

栗三台少讀書通大義善病因究心岐黃術於素問難經仲景諸書窺其微旨遂成名醫知縣姜公林公咸重之年七十餘醫多就正焉

同上

廉世官

廉世官諸生銳志方書尤精痘疹延請者遠及數百里遇貧家更爲憐恤雖昏夜風雨不辭康熙辛丑歲饑知府邱公委以賑濟人多德之

同上

程六藝

王玉衡嚴調明

陳仁宇楊祿章

程六藝諸生醫林翹楚所濟宏多王玉衡亦諸生精醫時有陳仁宇者專門傷寒嚴調明者善治痘疹楊祿章者精習外科而仁宇子王道爲諸生與祿章子大烈皆

世傳其學

路志拾遺吳志藝術

楊思誠

楊思誠字貞菴諸生幼貧力學矜尙名義尤深於史左因通鑑悉能成誦以文受知於學使彭雍正癸卯值拔萃試之前夕痛飲大醉學使令促之竟不赴

吳志羣材

栗培初

栗培初字養元績學能文雍正癸卯舉於鄉聘充陝西

乙卯同考官所拔皆名宿登乾隆丙辰進士授平谷知縣抵任首革陋規遇事隨時聽斷案無留牘歲旱步禱禹澤山大雨立沛明年秋洶水暴漲沒禾民大恐親爲撫慰謂河水迅駛易涸山苗無患已而漲落秋熟會有飛蝗入境輕騎偵視焚香默祝蝗盡菴民以爲神在任數載興學勸農與閭閻相爲休息以憂歸泣送者塞途羣立碑以志遺愛云性沈靜寡營歸里後不預他事主講上黨書院多所成就登甲乙科者至十餘人及卒門人私謚曰謙敏先生

府志循良

程經

張澤溥

程經字九一定南知縣正緒孫也雍正初歲貢授左雲訓導和平端重誦法程朱與縣人張澤溥並以理學名澤溥字湯若亦歲貢

吳志選舉

田丕績

田丕績少補諸生以學行重一時守令多旌禮之學使勵按試潞畢令所錄九學新進皆向之拜目爲人師

同上

王師覽

王師覽字文卿御史鼐曾孫也好學踐履篤實著有大中精義詳解二卷以歲貢終

同上

楊廷棟

楊廷棟字君用監生喜讀綱目諷誦不輟有心得輒摘錄訓其子弟乾隆十六七年倡施棺木百有餘具

吳志孝義

宋顯異

宋顯異字卓卿附貢生父病廢扶掖謹謹飲食起居必躬親之病革恐傷祖母心暗中擗踊母卒廬墓三年嘗設義塾又嘗焚券讓產乾隆十二年建坊旌表祀忠義

同上

陳誥

陳誥無子以季弟貴林次子長江嗣又以仲弟謙早夭無子乃以長江嗣謙別撫貴林季子福江悉以財產

分之妻馬氏仰承夫志亦無怨言誥卒馬撫繼子繼姪並如所生縣令吳九齡給匾旌之

同上

申維甸

申維甸武生周貧濟急綽有古風乾隆元年年八十六

歲

恩旨榮以壽官九十三歲卒

同上

胡琮

胡琮邑諸生母宋氏以苦節請旌力難建坊琮日夜感泣事聞於官爲之集衆營修母卒旣葬閉戶讀禮未嘗輕出出則食辛俯首目不旁瞬

同上

李巧兒

李巧兒乞人也每乞得而不食村人疑焉覘之則持以奉母母食畢然後食母食無餘再乞然後食母未食終不食也

同上

李增經 弟增綸

李增經增綸兄弟相依爲命家赤貧汲水鬻之得貲以自給出入必俱爲人傭亦刻不忍離增綸卒增經思之成疾亦卒

同上

王自重

王得文

王自重嘗在西街王朝宰門首拾銀一包疑是朝宰物扣門昇之朝宰愕然不敢受白於官以待原主原主至則本城人李光宗代人置買棺木銀三十兩也光宗感之願酬以其半二人卒不受又王坊鎮人王得文推車自給拾銀百金待人認去亦絲毫不昧云

同上

翟九彩

翟九彩邑人好讀書教子以明經起家嘗設義學施棺木道旁建房施茶一時皆高其義

同上

劉三

劉三嘗拾珠一包約值百金訪其人還之其人感德立石紀事今郡南八義道旁石碣尚存

同上

侯安國

侯安國字畏天父母病安國百計醫療獲痊又數年父母歿哀毀骨立每與人言及聲淚俱下

同上

馮潤身

馮潤身幼嗣其宗人後以兄亡所生無嗣復歸本宗別爲所後立嗣母連氏蚤喪兩事繼母孝敬備至父老病舌橋不能驟進食每膳必躬侍之三年不倦建義學於其鄉身自教之十有五年生徒至三百餘人里族勒石紀其行

同上

田希聖

田希聖十歲喪父母馬氏病癢展轉牀褥每手潔其母亡爲幼弟希賢婚娶無少吝家故貧後商於浦所入稍裕乾隆丁卯浦大荒倡輸錢助賑全活無算里人宋姓老而鰥年八十餘矣窮餓自縊幸不死希聖聞之周之終身又嘗設義學以教貧家子弟縣令以楸德儀型

旌其門

同上

郝旬岐

郝旬岐十五喪父弟旬鎬旬鄴甫數齡家中落賈於外夢母疾卽封其貨跋涉還母果病得醫而痊乃以家事屬旬鎬而令旬鄴習技射後舉丙午武科閭里稱其孝

上同

邢璽

邢璽母病一載親視湯藥未嘗解帶鄉人製孝堪錫類
額贈之父年八旬無疾終廬墓三年遵父遺命立義塾
修橋梁道路凡宿逋胥焚其券邑令以孝德維風旌其
門上同

賈守節

賈守節性至孝順治乙丑之變負母他徙猝遇賊斫以
刀傷腦猶負痛疾走賊追及又射之乃與母俱朴旋有
憐其孝者縱之去竟免於難賊平求妻子皆得之時稱

孝感

採訪事實
以下並同

張視學

張視學乾隆丁酉拔貢事繼母以孝聞雖盛怒聞親聲
欵卽改顏選某邑教職以母老將辭母督促之乃之官

賈宗彥

賈宗彥乾隆間大饑輸粟數十石賑其鄉明年代鄉人
償運贖費亦不貲冬則施衣食以濟貧者著有西河家
訓若干卷

申大元

申大元乾隆中屢出粟賑饑每年臘月初八日施義粥

終其身不替

賈文蔚

賈文蔚字藝林舉乾隆己卯鄉試里居教授後進從者多掇巍科以去後官陽曲教諭造就尤廣門下士爲刊石頌德

王家幹

王家幹字夢樓嘉慶辛酉舉人工詩善鼓琴尤精楷隸著有竹香詩草

靳學玉 子立桂

靳學玉字温其先世有名希曾者明末以助餉獎員外郎遂爲著姓學玉幼喪父嘗以不逮事爲憾依依母前無異孺子母卒哀毀殆不勝喪子立桂字庭香太學生亦有至性學玉歿既畢喪與人言及輒痛哭母疾禱於神願以身代百計營醫藥卒不起苦塊之際淚爲之枯既葬日必祭終身無少間

靳登龍

子高 弟登瀛

靳登龍字樂占諸生兄弟友愛姑母劉孀居無依迎養終身卒成其志女弟宋歿撫甥良霄成立嘉慶癸丑歲饑捐貲賑其鄉全活甚衆弟登瀛子高

高字益謙少爲名諸生值省試父感微疾期迫依依不

忍去父怒促之乃行甫納卷星夜馳歸道光乙未歲饑
集鄉人胡漢材靳位五釀金助賑重修文廟增置祭器
凡諸義舉力行不息

登瀛字仙卿幼從太谷名宿白覲揚遊傳其學教授生
徒先德行後文藝出其門者咸無浮薄之習父病瘁艱
於步母復痼疾沈懃登瀛憂思至忘寢食額身請代踰
年果愈居鄉尤多行義嘉慶乙丑歲歉糾同志設局助
賑勸濟急惜字育嬰諸會月朔望錄 聖諭息爭於厚
風俗諸條臨衢宣講人多化之著有戒淫雜記累舉不
得志以諸生終子富

富字懷古幼負才名試輒高等數奇累舉不中第乃慨
然有志於性命之學聚徒講授娓娓不倦已復病其空
疎與邑人常煜設五經會研究古義一時翕然從風黎
城王綺爲作序贈之稱其能得先儒之精萃云由恩貢
選汾陽教諭未之官卒及門郝楫德等六十人監教思
碑以誌

秦重倫

秦重倫字培山官河西務巡檢能勤其職大府檄署固
安縣事敢匪滋事防禦有功補蘇州東目以憂歸善射
書法尤工

王嵩

王嵩字峻宇賦性和霽好學深思時以爲有先儒風舉嘉慶丁卯鄉試

王義朋

王義朋嘉慶間舉孝子邑令旌匾其廬

郭汝瑚

郭汝瑚字擬六諸生議叙州同道光十五年饑輸粟助賑里中無流亡者羣頌其惠

牛世堯

子峻

從子牧

牛世堯幼讀書通大義父煒以居積致富生四子世堯其季也嗣其叔煜父歿析產當得半世堯取其一而以其三公諸兄由是知名兄子甸少孤鞠育備至後以諸生貢太學應京兆試有聲場屋郡有大役守令必折柬相邀俾董其事以州同注選未仕卒子峻從子牧

峻以童子試默誦諸經爲學使陳偉堂侍郎所獎補諸生旋食餼貢太學篤於師友袁明經鴻猷所從問業者袁歿貧爲營喪葬並恤其家歲時祭享無廢子應樞廩生台恩貢斗舉人臨縣教諭階拔貢河廩生

牧亦諸生喜施給矜尙名義道光戊子西火鎮建文廟力贊之迨落成更輸金二百爲歲修費壺關申南村太

子爲文記其事知醫精堪輿家言子化成癸卯副貢孫
王奎旰並諸生

王奎旰 弟奎昭

王奎旰字麗江以拔萃中道光丙午舉人母老絕意進
取課徒奉親從遊者咸能有聲庠序精醫理求診者常
盈門無貴賤一視之旣歿爲刊石頌德弟奎昭

奎昭字樞垣舉己亥鄉試事親得歡心與兒奎旰以友
愛聞自其少時肄業晉陽己聲譽藉甚所爲詩賦人多
傳誦晚乃潛心宋學教授生徒一本躬行著有

王銓

王銓字再可歲貢生工詩賦讀書目數行下從學者甚
衆著有凌雲堂文集香雪山房詩鈔賦鈔

胡紹先

胡紹先字衣德道光中歲貢課徒多所成就府教授樊
贈以匾額族人爲豎家政碑歿後及門刻石以誌思慕

楊攀桂

楊攀桂字東屏年十五補弟子員尋食餼學使汪深器
之固始吳中丞撫晉賞其文中丞歿諸子延至家師事
之同里楊進士以道義相砥稱爲良友累舉不得志循
序貢太學以終

宋良弼

宋良弼者民也道光中賈於洛陽值歲饑土人多鬻田
他徒良弼亦以賤值得膏腴田數百畝越兩年歲大熟
前得田者率昂值抑勒贖者苦之良弼獨召原主出券
反其田不苛取贏一時頌德製匾榜所居肆

常暉

常暉字晴川監生慷慨尚氣節周恤貧乏常若不及道
光咸豐間荐饑力爲拯濟全活甚衆因母病習醫母愈
業亦精延請無虛日遇貧者並爲代購藥餌其他行事
多類此

李佩華

劉士魁
勸壯猷

李佩華字子實諸生幼讀書有大志以濟人爲心工醫
於方書靡不參究活人無算年七十餘無疾而終劉士
鼈字子超武生議叙六品亦以醫名又有勸壯猷者布
衣鄉人某得危疾醫皆束手壯猷至一藥而愈謝以值
却不受

秦均 子紹傳

秦均字智齋豪爽自喜讀書務明大義不屑屑於章句
郭某昆季皆無賴魚肉鄉里人畏禍不敢發均慷慨白
諸官按如律子紹傳嘗助餉輸金數千亦頗有父風云

李馨

李馨貧以醫爲業延請者踵接性耿介不能隨時俯仰
歲祲絕糧杜門餓死時咸豐七年某月也王兩公輓之
以詩有不向人間爭富貴清涼獨守耐人憐之句

靳九鼎

靳九鼎諸生所居村爲往來通衢水縈其西夏月漲發
渡者苦之九鼎率衆濬渠建橋其上以便行旅鄉人贈
匾以頌後病危二日復甦自言冥司以余有建橋功增
壽一紀逾十年果無疾而逝

王作棟

王作棟字國楨貢生居鄉多行義父歿年甫十四卜兆
啟土見遺骨惻然掩之隣有王某者貧無依寄食其家
終身晚年于所居輝河立義塾貧者時給筆墨年八十
卒孫汝霖戊午科武舉以孝著

陳于時

陳于時太學生以孝友著幼嗜學老而彌篤有問業者
口講指畫孜孜不倦家頗裕歲計所入以其贏置義倉
減價平糶又精於醫時施藥餌以濟貧者年八十七卒

李騰龍

張維屏

李騰龍字耀雲習舉與且精青囊術性廉介慎交遊難

以藝名而視世之蠅營競逐迎合勢利者蔑如也著有
聞見錄十六卷皆勸善規過之語年七十七卒張維屏
者字良藩年踰八十精卜筮並以耆德稱

劉天名

劉天名字文燦以年躋九十

恩賜七品頗知書精堪輿術家貧楸遷爲業忠厚性成
人樂就之壽一百三歲無疾而終

殷天一

殷天一字六成生有異稟讀書日數千言能左手作書
尤精醫卜以府經歷需次湖南道光季年土匪滋事天

一上書大府陳勦撫機宜多所採用未補官卒

馮鈇

馮鈇諸生幼爲叔遵坊所愛叔無子嗣焉家貧授徒於
外資脩脯以養遵坊卒哀毀中稱貸營殯斂未嘗累同
母兄弟也所生母病侍湯藥衣不解帶奉嗣母亦然里
人稱其孝咸豐中學使匾旌之

李鐸

李鐸字子端諸生咸豐中髮逆犯境以國防功議叙六
品銜幼孤家中落喜施予雖瓶甑屢空急人之急自如
也賈某親死賴贖功葬有鬻子女者百計贖還之其他

高行類此

李鍵

李鍵字鑰菴以團防功議叙六品父可立廣東新塘營遊擊卒於官貧不能歸苦塊中具狀白上官得扶柩還性爽慨少自給卽不復營求周恤同類悉力以應諸生程某者貧甚一見卽解衣畀之已則單袷無難色以子根清官封武略都尉卒年七十五有七十自感詩四首錄其三云明哲早知幾遇事衡量別是非每念同懷今已少不得壽古來稀爭先練勇心常壯善後留兵勢恐微久保全須妙策何人決勝用神機

羅永祺

羅永祺字介三諸生成豐間髮逆犯境縣令檄率練勇防守東城申明約束民勇相安無敢譁者練餉不給倡衆助輸當事倚之如左右手以勞獎給六品銜治家嚴肅門庭雍睦歲時荐享輒流涕不置年踰八十卒著有齊家要言古今人才辨養心篇若干卷次子從可

從可字獻之幼劬學每覽書必覃思精研溺古至忘寢食以事親故遂深於醫時醫林改錯初出擬古者嗤爲妄喜新者驚爲神從可乃撰醫林酌中一卷以矯其偏而善用之所言多驗以貢生注選訓導未仕卒

賈壯一

賈壯一善事繼母家綦貧而甘旨無缺篤實敢任事髮
逆之變率鄉兵嚴備歷四十餘日人倚賴焉

靳宜青

靳宜青諸生幼喪母歷事繼母三人能得其歡人無間
言父疾躬侍寢食不解帶者兩年餘學使朱按路採輿
論檄縣庠以孝子舉

牛躍麟

牛躍麟諸生以孝行屢與鄉飲筵著有所見筆存六卷
學使朱嘗匾旌之

李毓漳

李毓漳字懷珠貢生與兄友愛兄疾篤嘗籲諸神願減
己年爲延命同治七年旱歉出所儲賑其鄉者閱月里
人製匾以誌年七十四卒子希翹歲貢生孫滋榮諸生

牛錫祿

牛錫祿從九品銜光緒四年大饑輸粟賑其村

楊向榮

楊向榮字欣齋嘗從盧介維學博遊讀書忘寢食客至
亦漫不省既補弟子員志益銳授徒里中講求實用於
時俗利祿之學蔑如也嘗手繪地圖著有天星合參與
地紀略祭器說祭器解各一卷

羅琇

羅琇縣民生有至性未讀書而知大義兄嫂嘗勃谿恐
失母歡不得已析居以腴產讓兄奉母他徙迎姊同居
養母衣服飲食必躬親之母卒付身付棺悉盡其誠

胡柏齡

胡柏齡字漢材以輸餉授中書科中書兩舉鄉飲大賓
事孀母以孝稱母歿既除喪年餘色猶慘戚以族無家
祠嘗倡集復族置祭田復請於縣官存其事於縣冊以
垂永久又嘗建聖廟設義塾孜孜不倦著有讀史備忘

十卷

李炳章

李炳章諸生幼穎悟書過目成誦授徒不計脩脯因其
資而造就之從遊日衆鄉黨高其行遇有爭鬪片言立
解家故有貨肆歲饑盡輸其值以賑女一適韓天申夫
死賦詩白湖事在列女傳

牛仲達

牛仲達字明道幼喪父事母孝族人某死遺孫甫六歲
家赤貧謀育于僧寺已成說將剃度矣仲達憐之携歸
撫以成立爲之授室竟延其嗣喜營建里中有頽廢祠
宇皆出資新之

張舒錦

張舒錦字臨風諸生幼卽好學父與言書史典籍敬聽之終日無倦容後從常大令煜遊學益進縣令陳九重之與弟會錦絕友愛有古人風雨聯牀之概工醫指下決人生死不爽累舉俛得復失中歲遽歿弟會錦後官盧氏縣知縣

璩折桂

璩折桂字占魁武生修飭有士風親卒毀甚旣葬移居宗祠每食必祭於主厯三年矣一日偶出經墓旁痛哭踰時遂不歸家人無如何爲之起廬廬成獨居寂處如在祠中也尋感疾旣革家人昇以歸卒

常炳如

常炳如諸生善事父母好學至老猶能作蠅頭小字所居南呈村有歸真洞常跌坐其中累日不出年八十三無疾終

李金漳

李金漳優行生父芝瑞以孝稱金漳內行肫摯時目爲象賢急公好義督團防葺城垣試院皆身任之不避勞怨前後令皆禮遇有加

宋留根

宋留根幼喪父母疾年甫成童躬侍寢食垂五六年不
懈母卒瘞毀骨立既葬每食必祭冬日則蒸爐於室旁
如母在時嘗汲水井上意有所觸一痛幾絕終以哀思
致疾卒

李宗昉 兄聚魁

李宗昉字勉齋廩生週歲失怙母多疾賴兄聚魁撫之
成立既長事兄盡禮事無巨細必咨白財物無所私母
疾作則侍奉不少離姊家故貧母既卒猶周之如平日
性寬厚橫逆之加人所不堪者亦不較濟困恤貧尤爲
鄉里所樂道試有司屢薦不售齋志以歿聚魁字經垣
少給事縣庭亦有義行丁戊大祲出資助賑所瘞道殣
以千百計

秦承觀

秦承觀少應童子試不遇事嫡母如所生母年已八十
餘家式微母所常需恒潛市而益之不俾知也盛爲鄉
人所稱

郭文郁

郭文郁廩生兄歿敬事兄妻終其身未嘗失禮撫兄子
教養兼盡每捐節身以供嫂及姪云

王文輝

王文輝幼業儒父母早歿事兄敬服飾器具兄未用未嘗敢先也自壯至老愛不少弛將死聚諸子姪猶諄諄以同居和睦爲屬云子楚字香巖太學生羣從兄弟同巽者七十年無間言

李滋英

李滋英併生事親能得其歡心親歿祀木主於寢出告反面無異生時

暴聚星

暴聚星諸生父疾湯藥必親嘗父病秘結恆手自除之父歿侍母疾情益迫切百計求醫卒不起粵逆之變所居郝村當兵衝率妻閉戶守母柩誓死不去竟無恙

李如芝

李如芝字瑤圃諸生幼喪母祖母鞠之長事之甚謹無少拂意祖母與父相繼卒殯殮所資力求堅樸費至多金意恒慊然忌日必哭於墓歷久不懈事繼母亦以孝聞母生子蘭陵嬰羸疾多方醫治病益劇則市妻妝奩物爲作善舉意可邀福也蘭陵卒不起遺孤三歲撫之恩諭所生以故里黨羣相推重每有爭訟得其一言立解年七十二卒

宋均

宋均議叙九品母老孝養不懈母族貧迎外祖母就養
無德色族里有貧乏者時周之

靳永康

靳永康字泰然家貧業醫供甘旨母卒事繼母如母

馬世興

馬世興嘗讓產與兄力作養母母卒竭力營葬人欽其
行遇歲祲設法賑濟羣從之全活頗衆

馮潤

馮潤字德滋貢生歲荒助賑不倦村人刻石紀其行于
三次節麟辛卯副貢餘并隸學官籍

常瑞

常瑞廩貢績學工文每試輒冠其曹一時推祭酒著有
讀易一得中庸說略芝窗詩草各若干卷

崔天喜

崔天喜監生事父母孝依依孺慕未嘗少離父歿侍母
先意承志曲得歡心

景春榮

景春榮父病痺舉動需人春榮起居左右視於無形聽
於無聲數年如一日

何其遜

何其遜議叙九品善居喪父母相繼遊雞斯骨立幾至滅性啜粥飲水者蓋五六年

王元德

王元德母卒日夜號泣時年已五十二矣竟以毀卒距母歿僅十七日云

常士元

常士元武生急人之急家不中貲常稱貸以濟光緒丁丑比歲不登時施米粥以食餓者

丁懷

丁懷字玉田太學生議叙九品世業醫至懷益知名尤長於傷寒咽喉諸證嘗論辨藥性脈訣經絡著有醫學篇子孫猶能傳其技

史永植

史永植幼喪父家貧事母孝

史永康

原勤學

史永康奎文閣典籍父卒事兄克敦弟道又有原勤學者亦以友稱

牛顯則

原天增
崔懷仁

牛顯則原天增善懷仁並村農也佚事不可知而鄉人豔稱其孝

長治縣志

郭鎮都

郭鎮都貢生事繼母孝

梁體元

梁體元諸生事繼母孝

董金貴

董金貴孝友性成父妾亦敬事之無失禮

李芝瑞

李芝瑞事繼母以孝稱

原維清

董萬青

原維清歲貢生董萬青增貢生公舉孝子學使並匾其

門旌之

章聯章

章聯章優貢公舉孝子

劉銘

劉銓

劉銘廩生與劉銓並以孝稱

李潤璋

李炯
李湛亮

李潤璋李炯俱監生光緒初與李湛亮並以孝旌

郝玉堂

郝玉堂字寶善少貧隨客營運四方念母辭歸晨夕侍奉備極色養行年七十矣孺慕不衰丁丑歲荐饑百計

爲母營甘旨而自與妻子炊糠粃雜樹葉食之不令母知也母年踰九十乃卒

謝紹樂

宋堅

謝紹樂字仲康事繼母如所生宋堅者監生幼失恃父凡三娶事之亦得歡心

胡紹先

子守謙

胡紹先字衣德歲貢好學至老不倦治家整肅處鄉里則恂恂謙謹喜與人談忠孝事子守謙亦以諸生貢太學

劉增發

劉增發字春華由拔貢授姚州州判賊圍鎮南率勇迎剿得解以功擢蒙自知縣歷署鎮南州知州蒙化廳同知所在有治聲

王懷遠

子恩紱

王懷遠字六德性沈敏有幹略留心經世之學以諸生教授郡城因才造就後進樂從之遊守令重其行誼有大役輒延與擘畫不辭勞怨視公猶已因團防出力獎給六品銜子恩紱舉於鄉

龔和

龔和字惠亭幼孤兄秉彝鞠之長既補諸生以優行貢

太學試於都未歸而兄卒和痛悼爲服心喪三年後官大同訓導作斷雁哀秋圖以志感一時題詠甚衆

王汝霖

王汝霖幼嗣於叔母母早孀守志者也事之甚孝後登武科因母老不仕母卒喪葬盡禮書母苦節陳諸有司有司爲請旌建坊如例

王定基

兄守基堂
兄佑基

王定基字六符廩生幼卽好學及長持身敬謹行文有大家風範後因屢試不售輒授徒以自給家故有資盡讓諸昆弟而族里有貧乏者猶戚戚焉周之燕居間長官過門必整衣而立俟其過乃已咸豐間幫辦團防議叙國子監太學生兄守基恩貢生堂兄佑基增廣生均以才學聞

李永和

弟永貴

李永和永貴相友愛中年喪偶以姒續有人遂俱不娶兄弟聚處食同席寢同牀饒有古人長枕大被之風相得四十年永貴壽八十五而終永和近百齡今猶健子孫蕃衍咸以爲和氣致祥云

楊觀德

楊觀德父俊有二子德其仲也幼有至性父故鰥患脾

泄老而益艱於行德以一身服待左右不避穢溺洗濯躬親十年無難色歲荐饑父兄供無缺而自食不厭糟糠雖患難弗忘愛敬也父沒哀毀逾常哭則擗踊一呼氣懣而欲絕痛極中傷鬱久成疾病革自度不起乃執兄手而相泣曰父死不百日弗克營葬以終喪吾憾矣雖然苟從親於地下吾死甘瞑目焉尋卒兄承訣以詩云憂鬱思親疾已成尋將死別尚吞聲歡承救水全終養孤橫此牛友愛歸長夢誓願來生作弟兄

孟維楨

孟維楨諸生性好施咸豐間髮逆犯境助貲團防以功

傳四

別傳

藩邸客將

幕佐

使臣

寓賢

藩邸

韓王元嘉唐高祖第十一子初封徐王貞觀六年授潞州刺史時年十五在州聞太妃有疾涕泣不食十年改封韓王授潞州都督王少好學闔門修整有類寒素修身潔已內外如一高宗末轉澤州刺史垂拱中徙絳州

遇害

唐書本傳
府舊志

鄭惠王元懿高祖第十三子初刺兗州貞觀中徙潞州數斷大獄務寬平又刺絳州咸亨四年薨今城南有惠

王太妃墓

唐書鄭惠王石記府舊志

案唐初諸王及王子皆外任故明皇亦以臨淄王爲潞州別駕茲但列二王而明皇事別見大事記

藩簡王模明太祖第二十一子洪武二十四年封永樂六年就藩潞州性謹厚嚴諭官校無擾地方城鄉甯謐

舊志以下不備注

康王佶焯簡王子初封武鄉王宣德中襲訓其世子及

諸王皆文雅蔚有時名藩之文獻王啟之也

明史景泰中王黈與

州官置酒大會巡撫朱鑑以聞帝令諸王非時令壽節不得輒與有司時譙飲著爲令

莊王幼學康王子襲封時太妃在上王常避正殿不處

得議敘前太守崔獎其爲好義敦行云

王國幹

王國幹廩生性孝友以家貧親老遂館於家爲就養計凡從遊者多所成就生平梗介非館穀不以供甘旨人稱其孝學使曾以敦品立學旌之

郭經郭

弟經畬

郭經郭咸豐己未舉於鄉後官夏縣訓導與弟歲貢生經畬事父母以孝聞

程飛熊

從子鳳山

程飛熊以武科懸官汾州營都司同治間擒匪犯晉屢

立戰功從子鳳山武生爲人有膽略從戎行陣參謀得力賊退上聞

詔予階嘉獎

右國朝二百一十一人

臣下有過作詩諭改服惟布袍不以膳羞賤物命年八十朝廷每有大慶賀宣讀表目必以王名爲首稱一時

榮之

恭王詮鉅莊王子待宗人用家人禮慶弔讌會皆親臨與臺走卒服役終身有不見呵怒者其仁厚若此

憲王允棖莊王曾孫也父惠王勛潛襲靈川王著有疑

齋集靖懷無祿王以倫次晉封靖王恭王世子先卒嘉靖六年恭王薨孫允棖

攝府事九年卒無子追封懷王英睿俊朗喜讀書親文儒地方事必與

郡縣協議而後行其大者如城王城設參將之類是也抽筆作賦纒纒數千言倚席而就海內名士爭爲文字

交尤喜刊刻書籍所著有保和齋稿

宣王恬燧憲王子居喪盡哀將葬徒行百里哭不絕聲

先是藩王多喪次受封王請終制世宗嘉之著為令各

藩有三年喪自王始璽書勞勉曰忠勤曰忠義曰好學

敦倫著有綠筠軒稿明史王好學工古文詞審音律

云隆慶戊辰皇帝儲建丕基恩推天族詔有謹身修行

樂善好學孝親敬長敦宗睦族足以勵世俗者數奏表

揚惟王德望懋隆令聞夙著獨兼八善卓冠諸藩綸詔

允乎聖心嘉懌寵命之錫樹坊國門曰好學敦倫藩之

宗髦黎獻請自台省勒石學宮儀表一方凡摺紳縉掖

之士莫不頌美維時國中應詔褒表若王之弟鎮康王

曰孝義純良安慶王曰孝敬經濟若陵川宗約之助滄

曰親賢樂善助滄曰學博行修助漣曰純孝敏學實皆

本於王之學表

率陶成者也

定王珵堯宣王子博學瞻通詩宗魏晉禮賢下士常如

不及出千金助遼餉宛葉饑復出千金賑之神宗嘉悅

賜璽書褒獎著有修業堂稿明史王仁孝恭慎第六人

朝廷獎王恭皆

封郡王不與祿

裕王效鏞定王子性惇謹好學於書過目不忘著有寸

陰手鏡東壁館書鈔崇禎中薨子迴洪嗣甫冲齡遇亂

為賊將劉芳亮所執不知所終明亡國除

陵川康肅王佶燿簡王子也嘗隨簡王朝京師成祖以

猶子召入宮朝文皇后賜玉帶還國

沁水莊和王允璜簡王五世孫也嘗著家範三卷以訓

宗人孫程堦工詩喜士名譽籍甚萬厯中襲封薨諡康
僖

清源莊簡王幼圻康王第三子也好學擅文名一時著
作多出其手嘗自署懶雲訓諸子並有義法

定陶王程持莊王五世孫也崇禎十七年二月賊將劉
芳亮陷潞安王率長子效鋒哭拜祖墓同赴井死見府志紀
事

德平榮順王允梃惠王子憲王弟也負雋才與衡府新
樂王載璽周宗人睦櫟俊嘽等齊名見明史

鎮康恭恪王恬焯憲王子穎俊該博性嚴毅不忘交喜

恤寒士每賓興餞贖優渥從無德色至於不時掩骼澤

及枯骨亦懿事也

明史穆宗時與安慶王並以孝義旌

安慶端懿王恬燿憲王子好吟詠與士大夫聯社唱和
意合卽千金不惜常策時事達當道多名言勅褒白孝
敬經濟

保定惠順王程坦宣王子博雅能文琴書尤妙

陵川宗人鎮國將軍詮鈺字孤松詮鈇字孤巖詮鉞字
孤雲並康肅王之孫也創行宗約建會所敦請名士訓
其同宗子弟意主修齊吉凶之禮一準於古故約中子
弟恂恂秉禮多篤行君子其著者有助德字雲崖工詩

善書助滄字雲峰深於經學助淦字雲岫留心經濟助
澗字雲溪允柠字敬軒允牀字敏軒允梢字遜軒並嫻
吟詠人有一集又有助汎字雲階助浯字雲山者老而
嗜學子夜書燈熒然時人罕識其面皆表表者案明史有輔國
將軍助漣及從子允杉允柠允析並以能詩名此不著
疑譌漣爲瀾譌析爲牀允杉亦或卽允梢也栗應麟
陵川鎮國將軍孤雲墓表略云翁少負異才博學不居
章句見古人奇節偉行輒撫卷慨息率諸昆庶創爲宗
約區條其家範八卷正德辛未薊寇流劫頻年不穀宗
室歲祿積逋二十萬石宮眷窘乏官廩屢空所司暴斂
淫取辦於僅存之家翁惻然草疏媿媿千餘言直陳民
瘼奏以河東餘饑二十萬引折祿代租民困賴蘇嘉靖
壬寅秋虜大舉深入分掠諸路直抵沁遼所在戒嚴吾
路有民衛衛兵皆先期戍邊臨敵無備城中涵涵翁倡
約登城諸子若姪皆爭出伏健卒要害虜
先聲而躡境引去制變於已迫云云

沁水宗人鎮國將軍恬院莊和王子也立進修宗會子
孫遵奉蓄古書聯詩社一時搢紳樂與之遊其著者右
炳燦字振菴恬煊字約菴理疇字玉岡理圻字玉林效
鏞字盤峯並有學行以詩名家而理圻特以忠孝得蒙
勅褒又有宗老理院者字玉溪不求聞達博雅多才一
時推爲祭酒

宗貢有理壻迴溱迴澆並以知縣殉節又有理瑒迴澆
亦良吏也皆不詳其系

理壻崇禎間泰安知縣撫恤窮黎以循聲著委攝伏羌
縣未任值寇至督士民守禦城破爲所執至伏羌令

守陴者瑛壻遙謂舊令曰幸固守無降我忍辱至此蓋
欲得死所耳言訖顧謂寇何不速殺我遂死伏羌城下
伏羌人感其忠相率堅守寇遂不能下府志忠烈
以下同
迴溱鄒平知縣崇禎申迴溱難潛藩在當時雅稱知
禮其以宗貢應者率皆以無聲已狗馬之習及
綬膺民社如桂陽知州瑛則臨胸知縣迴溱行

而迴溱尤以節顯云
迴澆崇禎末白水知縣文雅能詩明吏事人不取賊
賊潛入城城陷猶力戰射賊遂遇害

明史皇子封親王歲祿萬石府置官屬護衛

長子及十歲立爲王世子長孫立爲世孫諸子年十
歲封爲郡王嫡長子爲郡王世子嫡長孫則授長孫
諸子授鎮國將軍孫輔國將軍曾孫奉國將軍四世
孫鎮國中尉五世孫輔國中尉六世以下皆奉國中
尉其生也請名其長也請婚祿之終身喪葬子費

舊志藩藩以忠厚開國號稱遵訓守禮如沁源悼和
王允楊唐山恭懿王勛澂德平端和王恬燇與世子

瑛明史諸王表作瑛顯謚闕志作
瑛顯業順非業順乃端和王父也或鼓吹風雅或

閉戶怡神皆賢王也至於行誼文章蔚爲宗望則必
推陵川心水爲第一又云天啟初議加額廣制科崇

禎時復開換授例藩藩素稱安靜概未有應之者止
宗貢數人矻矻窮經

案藩宗世系詳封爵表著述見藝文志茲據舊志採
其有行義事實者著於篇志所未詳間採之史濟藩
多才使臣舉爲美談而著述百不存一舊志簡括無
從詳徵矣

幕佐

陸長源字泳之吳人乾元中辟昭義節度薛嵩幕府嵩
侈汰常從容規切嵩曰非君安能爲此歷宣武軍司馬
兵變遇害贈尚書右僕射

唐書本傳

盧頊潞澤節度王虔休掌書記也軍司馬元誼據洛州
虔休破復遣頊見誼陳利害誼請朝請卽以頊爲洛州
別駕使守洛

唐書王虔休傳

孔戡巢父從子字君勝進士及第補修武尉以大理評
事佐昭義李長榮節度府長榮死盧從史自別將代之
留署掌書記從史稍得志益驕與王承宗田緒陰相結
欲久連兵以固其位戡始陰爭不從則於會肆言以折
之從史始若受其言旋偃蹇不軌戡遂以疾歸洛陽未
幾李吉甫鎮揚州表置幕府戡未應從史曰是欲舍我
而從人耶卽經以事奏三上詔以衛尉丞分司東都自

貞元後鎮帥劾奏僚佐不驗輒斥至是給事中呂元膺
執不可憲宗遣使諭曰朕非不知戡行用之矣未幾卒

年五十七從史敗追贈司勳員外郎

唐書本傳韓愈
孔君墓志銘

賈直言河朔舊族也父道以藝待詔代宗時坐事賜鴆
將死直言給其父曰當謝四方神祇使者少急輒取鴆
代飲迷而踣明日毒潰足而出夕乃蘇帝憐之減父死
俱流嶺南直言由是覽後署李師道府屬及師道不軌
提刀負棺入諫曰願前死不見城之破又畫縛載監軍
狀而妻子係纍者以獻師道怒囚之劉悟既入釋其禁
辟署義成府後徙潞亦隨府遷監軍劉丞偕與悟不平

陰與燕州刺史張汶謀縛悟送闕下以汶代節度事汶
悟以兵圍丞偕殺小使直言遽入責曰司空縱兵脅天
子使者是欲效李司空耶他日復爲軍中所指笑悟聞
感悔匿丞偕於第以免悟每有過必爭故悟能以臣節
光明於朝穆宗召爲諫議大夫羣情灑然稱允而悟固
留得聽始悟子從諫貴甚見直言輒衣紫擁笏以兵自
衛直言諫悟曰郎少年毋使襲山東態朝服可擅著耶
悟死從諫不發喪召大將劉武德等矯悟遺言與鄰道
使共表求襲位直言入讓曰父死不哭何面目見山東
義士乎從諫曰欲反耳直言仰天哭曰爾父提十二州

地歸朝廷爲功臣然以張汶故自謂不潔淋頭羞死郎
今日欲乃反耶從諫起抱直言項哭曰計窮而然直言
曰君何憂無土地今脅朝廷正速死耳若從武德謀吾
見劉氏爲元濟矣從諫拜曰惟大夫救之直言乃自攝
留後使從諫居喪初從諫惟鄆兵二千同謀直言既折
之軍中遂安太和九年卒贈工部尙書

唐書忠義傳

李佐之隴西人兼孫也嘗客潞爲劉從諫所禮留不得
去遂署觀察府支使因娶其從祖妹從諫病佐之力諷
使還東都從諫雖不能從然感服其言王協等恐佐之
妻母有所關說卽輦母歸東都會佐之奴告佐之交通

賓客漏軍中虛實稹遂殺之

唐書劉稹傳

唐漢賓晉陽人儉裔孫以稹拒命固諫歸朝不聽舉族

見害

同上

李師晦者本宗室子始劉悟辟置幕府見從諫稍恣橫
假言求長生術不與事從諫使歸東都師晦懼爲谷楊
度所譖請居涉從諫不之疑稹敗有爲帝言者擢伊闕

令

同上

李丕者善長短術與從諫厚善及稹阻命丕懼乞爲游
奕深入以圖營壘處遂自歸帝召見擢忻州刺史

同上

使臣

長白

馮伉魏州元城人第五經貞元中路澤李抱貞卒伉以
膳部員外郎充弔贈使抱貞男遺伉帛數百疋不納又
專送京師伉因表奏固請不受屬醴泉令闕上謂宰相
曰前使潞澤不受財帛者此人必有清政遂授伉厯拜
左散騎常侍卒

唐書本傳

溫造字簡輿祁縣人元和末朝議銷兵黜戰士長慶元
年幽鎮從此唱亂詔下誅叛使造宣諭澤潞令發兵其
時九月天寒四方全師未頒冬衣聚之授詔或在或
垂手強項往往諄語造立於重榻大布恩旨並疏昭
一軍七十餘年忠義戰伐之勞安史以還叛逆滅亡之

明效詞語既畢無不謹呼人衣短褐爭出效命

唐書本傳

李回字昭度新興王德良後也第進士會昌中累拜刑
部侍郎兼御史中丞時方伐劉稹武宗慮河朔列鎮陰
相締以撓兵事李德裕薦回持節往諭何宏敬王元逵
聽命又張仲武以幽州兵攻回鶻與劉沔不協回至諭
以大義仲武釋然即合太原軍攻潞復以回爲使督戰
攻潞至蒲東王宰石雄彙鞬謁道左回不弛行顧左右
呼直史責破賊限牒宰等震恐期六旬破潞否則死之
未及期二日賊平進中書侍郎同平章事坐德裕貶終

撫州長史

唐書本傳

夏言字桂洲貴溪人由進士累遷給事中嘉靖初陳卿
之亂言奉命來勘所論功罪悉當副使牛鸞獲賊中交
通各籍言請毀之以安衆心事平乃卽青羊建平順縣
升潞州爲潞安府而置長治縣附郭皆所議也後官至
大學士

案府志陸長源諸人列入宦績通志馮佺諸人列入
寓賢皆爲未協茲以幕佐使臣二目括之從其實也

客將

馮亭韓上黨守也秦伐韓上黨道絕亭以城市邑十七
入之趙趙封爲華陽君亭垂涕不見使者曰吾不處二

不義也爲主守地不能死固不義一矣人之秦不聽主
令不義二矣賣主地而食之不義三矣後與趙將括拒

秦戰死於長平墓在故壺關城西五里

史記趙世家漢書馮奉世傳元

和郡縣志

秦招字子維安平觀津人袁紹辟爲督軍從事紹卒又
事紹子尙建安九年曹操圍尙遣招至上黨督致軍糧
未還尙破走時尙外兄高幹爲并州刺史招勸幹迎尙
弁力觀變幹旣不能而陰欲害招招聞之間行而去道
隔不得追後仕魏爲雁門太守

三國志本傳

曹仁字子孝操從弟也以議郎督騎從圍壺關操令曰

城破皆阬之仁言於操曰圍城必示之活門所以開其
生路也今公告之必死將人自爲守且城固而糧多攻
之則士卒傷守之則引日久今頓兵堅城之下以攻必
死之人非良計也操從之城降錄功封都亭侯

三國志本傳

李靖字藥師京兆三原人貞觀八年突厥深入詔靖以

兵出潞州道後平突厥封衛國公

唐書本傳突厥傳案唐小說記衛公行

兩事世傳其迹在潞城石晉時追封王爵宋元以來以禱雨著靈屢加封號府西關有祠

宋舉西河人唐初從起義斬將摧城屢著奇績投儀同

三司不拜晦迹隱棲永徽中卒於潞州墓存

宋都尉墓志

郭盛字德太原人生有智略資兼文武嘗從征高麗以

勳名顯積階上柱國卒葬潞州

郭柱國墓志

李存孝飛狐人克用養子也大順元年五月叛將馮霜

殺潞州守將李克恭降汴汴將葛從周入潞州克用遣

存孝與康君立攻之從周遁走

五代史義兒傳資治通鑑

周德威小字陽五馬邑人天祐四年梁兵攻潞晉王克

用遣德威來救壁高河梁築夾寨自東南山口爲甬道

相屬德威與諸將互在攻之一日數十發梁兵閉壁不

敢出會克用卒召還及莊宗嗣位復引兵至遂破夾寨

殺其將李思安梁兵大潰圍解

五代史本傳李嗣昭傳

衛融仕北漢爲平章事宋建隆元年周昭義節度使李

筠起兵北漢主使其將盧贊監筠軍謀多不協遣融和解之太祖既平筠並獲融融請死太祖以鐵搗擊其首流血被面融大呼曰臣得死所矣太祖曰忠臣也釋之

通鑑
長編

張暉幽州大城人宋初從征澤潞爲行營填壕使先登陷陣事平遷華州團練使建隆二年太原未下詔入覲問計對曰澤潞經李筠之叛瘡未復軍旅一與力重困不若戢兵育民俟庶富而後爲謀乃賜裝衣金帶鞍勒馬遣還

宋史
本傳

王信字公亮太原人家故饒財少勇悍大中祥符中盜

犯晉絳澤潞數州信應募籍軍與其徒生擒賊七十人

累以功補龍神衛指揮使

府志

王德字子華通遠軍熟羊砦人以武勇應募隸熙帥姚吉會金人入侵古軍懷澤間遣德謀之斬一酋而還古曰能復往乎德從十六騎徑入隆德府執僞守姚太師左右鷲擾德手殺數十百人衆愕眙莫敢前古械獻姚於胡欽案問狀姚曰臣就縛時正見一夜叉耳時遂呼德爲王夜叉以戰功累官至清遠軍節度使御前諸軍

都統制

宋史
本傳

移制蒲州本契丹人正大中世襲謀克與元將塔思戰

於潞州敗之再復澤潞天興元年同恒山公武仙援汴
軍潰於鈞州走京師元兵追及擒之勸之降不屈遂見

殺金史本傳元
史塔思傳

察罕帖木兒穎州沈邱人至正十六年以兵部尙書討
賊陝西已而曹濮賊分道踰太行焚上黨掠晉冀察罕
自勒重兵擊之分屯澤潞塞碗子城吾兒峪以杜太行
諸隘賊屢至守將血戰卻之河東悉定繼平山東爲降
賊王士誠所刺追封穎陽王諡忠襄

元史
本傳

曹文詔大同人崇禎六年流賊入山西勅文詔協勦累
破賊於沁水武鄉黎城時宣大總督張宗衡亦提兵至

擊賊西火勝之與文詔駐軍府城相機會剿賊旣累敗
乃避文詔鋒流入河北後以總兵官戰歿於甯州之襄

樂明史本傳
府舊志

寓賢

仲長統字公理少好學博涉書記瞻於文辭年二十餘
游學青徐并冀之間并州刺史高幹素貴有名招致四
方游士統過幹幹善遇之訪以世事統謂幹曰君有雄
志而無雄才好士而不能擇人所以爲深戒也幹雅自
多不納統言統乃去之無幾而幹敗并冀之士於是議
統常林與統共在上黨尤亟稱之性倜儻不拘小節每

長治縣志

列君命召輒稱疾不就延康元年卒著有昌言二十四

篇三國志劉邵傳注

張琦字子明鉅鹿人學兼內外袁紹前後辟命不就避居上黨并州牧高幹表除樂平令不就徙遁常山門徒常數百人年一百五歲卒

三國志注

常林字伯槐河內温人董卓之亂避地上黨耕種山阿當時旱蝗林獨豐收盡呼比鄰升斗分之依故河間太守陳延壁陳馮二姓舊族冠冕張楊利其婦女貪其資貨林率其宗族爲之謀見圍六十日卒全堡壁并州刺史高幹表爲騎都尉辭不受後仕魏至太常拜光祿大

夫三國志本傳

祝公道河南人建安中郭援破絳邑捕得邑長賈逵囚於壺關閉著土窖中以車輪蓋上使人固守方將殺之逵從窖中謂守者曰此間無健兒耶而當使義士死此中乎公道與逵非故人而適聞其言憐其守正危阨乃夜盜徑引去折械遺去不語名姓援破逵乃知前出已者爲公道後坐他事逵救之力不能致爲之制服焉

三國志賈逵傳注

志賈逵傳注

邊鸞長安人丹青馳譽於時常轉徙澤潞間畫帶根五

參極工巧

宣和畫譜

元好問字裕之太原秀容人七歲能詩淹貫經傳百家
興定五年進士天興初除左司員外郎金亡不仕文章

蔚爲一代宗工嘗客潞州與諸名士唱和號淡社金史本傳

道山集本集初發潞州詩潞州任久似并州身去心

留不自由白塔亭亭三十里漳河東畔幾回頭又送宋

省參並寄潞府諸人詩茅屋團團蝸殼大苦被旁人嘲

塞破官豪眼孔十萬緡未與書生共一唾長衫只辦包

瘦骨故紙何緣變奇貨不因三致大耳兒老雪屯門甘

乘臥國中腐鼠凡幾嚇玉上青蠅非一個荆人美璞則

之招君足幸存仍可賀雲間太行青在眼上客歸來傾

四座因君寄問社中人前日淡公行復過又答潞人

李唐佐贈詩聞道嗟予晚求師愧子賢泥塗終自拔

玉豈虛捐書破三千牘詩論五百年文章有虛處正脈

要人傳又送母受益自潞府歸嵩山詩薄俗功名賤

孤生志願違正須謀獨往何暇計羣飛泌水真堪樂荆

州況可依青山吾舊隱此日羨君歸

張雄飛字鵬舉琅琊臨沂人父琮仕金守盱眙徙居許

州雄飛幼失母琮妾李氏養之元兵屠許惟工匠得免

有田姓者琮故吏也能作弓以雄飛及李氏爲家人由

是獲全徙朔方雄飛時方十歲至霍州李欲逃恐其累

已雄飛知之頃刻不去左右李乃變服與俱還寓潞州

雄飛旣長往師前進士王寶英於趙城金亡不知父所

在往來澤潞求之十餘年常客食僧舍後入燕廉希憲

薦之處士羅英嘗言於世祖曰張雄飛真公輔器帝然

之累官參知政事元史本傳

呂輯字仲木高陵人正德三年進士第一授修撰嘉靖

長台系

中議大禮忤張桂下獄謫解州州判累官至南京禮部
侍郎少受業渭南薛敬之接薛瑄之傳學者稱涇野先
生與潞人仇森善謫宦時過潞訪森於東火居久之乃

去

明史本傳
仇森墓志

呂時臣字中甫鄆縣人布衣工詩與章邱李開先海豐
楊巍齊名客遊青齊轉至潞藩定王延致邸中禮爲上
客從此學詩性曠達年六十治生壙於句章之夕陽里

自撰墓銘後十年乃卒著有甬東山人集

靜志居
詩話

謝榛字茂秦臨清人眇一目年十六作樂府商調少年
爭歌之已折節讀書刻意爲歌詩西遊彰德遇康王厚

禮焉李攀龍王世貞等結詩社於京師榛爲長游道日
廣潘晉諸王爭延致藩府王將軍中尉多工詩繇榛啟
之也

同上

萬一本遼東鐵嶺衛貢士任平陽府通判明季遼亂遂
流寓潞安子六人並知名

同上

王彭年字玉恒彰德府諸生博洽善屬文兼通醫術以
遊學寓潞遂家焉時當兵燹之餘民多病疫知府蕭青
鸞令施藥餌於聖泉寺命彭年首其事人皆德之其孫
法唐閔亦以醫著

同上

管石麟字玉璠潞人其父游藝於潞因家焉石麟

丹青花卉翎毛皆工尤長於寫意山水逼雲林人物則取法小仙士大夫聞其名多折節相交石麟抗禮不少貶真高人也同上

徐達字從先浙江山陰人以京籍聯捷成進士拔侍衛補粵東萬州守備陞潞澤營參將擢花馬池副總兵征噶兒丹有功告歸貧無貲旋里因過長治遂家焉同上

祝振遠字儒章江西廬陵人任潞安司獄卒於官慈愛性成囚徒德之貧不能旋里遂家焉同上


徐繼畬字松龕五臺人道光丙戌進士由翰林累擢福建巡撫內補太僕寺少卿罷歸咸豐癸丑粵逆北竄督

辦山西團練駐節潞安撤防後以勞擢太僕寺卿旋充總理同文館事務大臣以老乞休加頭品頂戴卒於家繼畬博學工文究心洋務有瀛寰志略言外國山川道里政事風俗甚詳制舉文風行海內所至多從之遊在潞年餘戎務之暇時聚諸生講授間爲詩歌得其楮墨者皆寶貴之五臺新志探訪冊

25118

上海州元

卷之六



原件收藏

山西省图书馆

原件书号

25111-120

原件状况

原件有部分破损

原件有部分字迹模糊

[光緒]長治縣志八卷首一卷

(清)李禎馬峯修楊篤纂

清光緒二十年刻本

十冊

本部书共摄制 2 卷

(1) 首一卷卷一至卷六

(2) 卷七至卷八

版权所有 不准复印

本部书未完

续后片卷

本片卷含：首一卷卷一至卷六